



# SIARAN AKHBAR

## KEMENTERIAN LUAR NEGERI, MALAYSIA

### UNTUK SIARAN SERTA-MERTA

#### **LAWATAN RASMI YB DATO' SERI DIRAJA DR. ZAMBRY ABD KADIR, MENTERI LUAR NEGERI MALAYSIA KE ARAB SAUDI, 19-23 FEBRUARI 2023**

YB Dato' Seri Diraja Dr. Zambry Abd Kadir, Menteri Luar Negeri Malaysia akan mengadakan Lawatan Rasmi ke Arab Saudi dari 19 hingga 23 Februari 2023. Arab Saudi merupakan negara Asia Barat pertama yang dilawati oleh beliau sejak menyandang jawatan sebagai Menteri Luar Negeri pada 2 Disember 2022 yang lalu. Ia menggambarkan hubungan istimewa yang wujud selama ini, serta komitmen Kerajaan Malaysia di bawah kepimpinan YAB Perdana Menteri, Dato' Seri Anwar Ibrahim terhadap hubungan dua hala Malaysia - Arab Saudi. YB Menteri akan diiringi oleh para pegawai kanan kerajaan dari Wisma Putra semasa lawatan ini.

YB Menteri dijadual untuk bertemu rakan sejawatan, YM Putera Faisal bin Farhan, Menteri Luar Negeri Arab Saudi bagi menyusuli perbincangan untuk memperkukuhkan lagi kerjasama dua hala kedua-dua negara, termasuk penganjuran *Saudi-Malaysian Coordination Council* (SMCC) selain menerokai kerjasama dalam bidang-bidang baharu.

YB Menteri akan mengadakan pertemuan bersama TYT Khalid A. Al-Falih, Menteri Pelaburan Arab Saudi untuk menerokai potensi kerjasama ekonomi baharu antara Malaysia dan Arab Saudi.

YB Menteri akan turut mengadakan pertemuan bersama TYT Jasem Mohamed Albudaiwi, Setiausaha Agung Majlis Kerjasama Teluk (GCC) di Riyadh bagi menyusul perbincangan berkenaan Sidang Kemuncak ASEAN-GCC yang akan dianjurkan pada tahun ini.

YB Menteri juga dijadual untuk mengadakan pertemuan berasingan bersama TYT Ambassador Hissein Brahim Taha, Setiausaha Agung Pertubuhan Kerjasama Islam (OIC) di Jeddah dan TYT Sheikh Dr. Mohammed Al-Issa, Setiausaha Agung Liga Muslim Dunia di Riyadh.

Semasa lawatan ini, YB Menteri juga akan mengadakan sesi pertemuan bersama ahli-ahli perniagaan di Riyadh dan Jeddah, yang dijangka akan menjadi platform bagi ahli-ahli



WISMA PUTRA

perniagaan Malaysia untuk meneroka kerjasama perniagaan dan pelaburan baharu khususnya di Arab Saudi.

Arab Saudi kekal sebagai rakan dagang Malaysia terbesar dan sumber import terbesar di rantau Asia Barat. Pada tahun 2022, jumlah dagangan dua hala dengan Arab Saudi telah mencecah RM45.52 bilion (USD10.26 bilion), peningkatan sebanyak 159.2 peratus berbanding RM17.56 bilion (USD4.23 bilion) pada tahun 2021.

**PUTRAJAYA**  
**19 Februari 2023**



**WISMA PUTRA**

No. 1, Jalan Wisma Putra, Presint 2, 62602 Putrajaya, Malaysia  
Tel: +603 80008000 | Fax: +603 8889 2726 | Emel: bkda@kln.gov.my | Portal: www.kln.gov.my